

Na osnovu člana 61. stav 2. Zakona o upravi ("Službeni glasnik BiH", broj 32/02) i člana 22. Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", broj 13/05, 53/07 i 97/07), ministar pravde Bosne i Hercegovine donosi

ODLUKU

O UTVRĐIVANJU POSLOVA NA KOJIMA SE STAŽ OSIGURANJA RAČUNA U UVEĆANOM TRAJANJU I STEPEN UVEĆANJA STAŽA OSIGURANJA U ZAVODIMA ZA IZVRŠENJE KRIVIČNIH SANKCIJA, PRITVORA I DRUGIH MJERA BOSNE I HERCEGOVINE

I

Ovom odlukom utvrđuju se poslovi u Zavodima za izvršenje krivičnih sankcija, pritvora i drugih mjera Bosne i Hercegovine (u daljnjem tekstu: Zavod) na kojima se staž osiguranja računa u uvećanom trajanju i stepen uvećanja staža.

II

Stož osiguranja u uvećanom trajanju u smislu tačke I ove odluke, računa se na slijedećim poslovima:

1. upravnika, rukovodećih službenika koji pomažu u rukovođenju u pojedinim oblastima rada upravniku Zavoda i komandira Odjeljenja zavodske policije na državnom nivou;
2. rukovodilaca unutrašnjih organizacionih jedinica u kojima borave ili rade zatvorenici ili pritvorena lica (u daljem tekstu: zatvorenici);
3. zavodske policije (straže) i komandira smjena;
4. obrazovanja i kulturno-prosvjetnog rada sa zatvorenicima;
5. zdravstvene zaštite zatvorenika;
6. vaspitača i grupe stručnjaka u prijemno-otpusnom odjeljenju Zavoda;
7. instruktora koji neposredno utiču na radno osposobljavanje zatvorenika;
8. pripremanja hrane zatvorenicima;
9. matične evidencije zatvorenika;
10. brijanja, šišanja i čuvanja depozita zatvorenika.
11. održavanja objekata u kojima borave zatvorenici, čuvanja, uskladištenja, održavanja i raspodjele opreme i robe koju koriste zatvorenici.

III

Lica koja rade na radnim mjestima iz tačke II ove odluke imaju pravo na staž osiguranja u uvećanom trajanju, koji se računa tako što se 12 (dvanaest) mjeseci efektivnog staža računa kao 16 (šesnaest) mjeseci staža osiguranja.

IV

Za vrijeme provedeno na bolovanju, plaćenom odsustvu po bilo kom osnovu dužem od 30 radnih dana, lica iz tačke II ove odluke nemaju pravo na staž osiguranja u uvećanom trajanju.

V

U skladu sa pravilnicima o unutrašnjoj organizaciji, za svako lice iz tačke II ove odluke, donijet će se rješenja o stažu osiguranja u uvećanom trajanju.

VI

Ova Odluka stupa na snagu danom donošenja, a primjenjuje se od 01.07.2008.godine.

VII

Stupanjem na snagu ove odluke, prestaje da važi Odluka o utvrđivanju poslova na kojima se staž osiguranja računa u uvećanom trajanju i stepen uvećanja staža osiguranja u zavodima za izvršenje krivičnih sankcija, pritvora i drugih mjera Bosne i Hercegovine i Ministarstva pravde Bosne i Hercegovine ("Službeni glasnik BiH", broj 36/05 i 62/06).

VIII

Odluka se objavljuje u "Službenom glasniku BiH".

Broj 04-02-2-9437/08
1. augusta 2008. godine
Sarajevo

Ministar
Bariša Čolak, s. r.
